

Univerzitet u Sarajevu - Prirodno-matematički fakultet, ul. Zmaja od Bosne 33-35, Sarajevo, Bosna i Hercegovina, zastupan po dekanu, prof. dr. Nusretu Dreškoviću (u daljem tekstu: Prirodno-matematički fakultet) i Javno komunalno poduzeće „Šćona“ d.o.o. Fojnica, zastupan po direktoru Abaz Nišić (JKP „Šćona“) sklopili su:

SPORAZUM

o naučno-istraživačkoj, stručnoj i tehničkoj saradnji

Član 1

Univerzitet u Sarajevu - Prirodno-matematički fakultet i Javno komunalno poduzeće „Šćona“ d.o.o. Fojnica ostvarit će dugoročnu saradnju u zajedničkim aktivnostima u okviru naučno-istraživačke saradnje, na područjima od zajedničkog interesa.

Član 2

Saradnja Prirodno-matematičkog fakulteta i Javnog komunalnog poduzeća „Šćona“ d.o.o. Fojnica polazi od ideje postojanja zajedničkog prostora u okvirima zaštite prirode, naučne i stručne saradnje, te turističkog, ekonomskog i društvenog razvoja.

PODRUČJE PROGRAMSKE SARADNJE

Član 3

Područja programske saradnje Prirodno-matematičkog fakulteta i Javnog komunalnog poduzeća „Šćona“ d.o.o. Fojnica su:

1. Zaštita prirode
2. Naučna i stručna edukacija
3. Održivi razvoj

Član 4

CILJEVI SARADNJE

Prirodno-matematički fakultet i Javno komunalno poduzeće „Šćona“ d.o.o. Fojnica usaglašeni su da će njihova saradnja biti usmjerena dostizanju slijedećih ciljeva:

I Zaštita prirode

Naučno -istraživački projekti u zaštićenom području Spomenik prirode Prokoško jezero.

Mjere za postizanje cilja:

- Organizacija međunarodnih skupova o prirodnim vrijednostima zaštićenog područja Spomenik prirode Prokoško jezero,
- Izrada stručnih podloga
- Podizanje svijesti javnosti o značaju zaštićenog područja Spomenik prirode Prokoško jezero kao zaštićenog područja sa visokim stepenom biodiverziteta

II Održivi razvoj

Razvoj: (1) održivog turizma uz očuvanje tradicijskih kulturnih vrijednosti, (2) upravljanja šumama na ekološki održiv način uz očuvanje autohtonog biodiverziteta šumskih ekosistema, (3) ekološki orijentirane poljoprivredne proizvodnje uz promociju ekoloških i autohtonih poljoprivrednih proizvoda.

Mjere za postizanja cilja:

- Podsticanje održivog turizma, jačanje ponude za ekoturizam,
- Podsticanje dijaloga sa šumarskim sektorom na očuvanju autohtonih šumskih ekosistema,
- Podrška razvoju seoskih domaćinstava na proizvodnji i očuvanju autohtonih pasmina domaćih životinja i biljnih sorti.

III Promocija i edukacija

1. Promocija zaštićenog područja Spomenik prirode Prokoško jezero kao međunarodno prepoznatljivog zaštićenog područja
2. Naučna istraživanja u smislu inventarizacije flore, faune i vegetacije

3. Zaštita tipskih lokaliteta

4. Podizanje nivoa znanja lokalnog stanovništva i šire javnosti o vrijednostima i značaju očuvanja zaštićenog područja Spomenik prirode Prokoško jezero.

Mjere za postizanja cilja 1:

- Učešće na manifestacijama, sajmovima, prezentacija i promocija zaštićenog područja Spomenik prirode Prokoško jezero
- Izrada zajedničkog promotivnog materijala i izrada web stranice za zaštićeno područje Spomenik prirode Prokoško jezero.
- Mjere za postizanja cilja 2 i 3:
- Kartiranje staništa zaštićenog područja Spomenik prirode Prokoško jezero i obilježavanje prirodnih i kulturno-tradicijskih sadržaja
- Uspostava sistema biomonitoringa

Mjere za postizanja cilja 4:

- Kreiranje i implementacija zajedničkog programa individualne i grupne edukacije
- Edukacija studenata, školske djece i omladine
- Edukacija lokalnog stanovništva
- Edukacija o prirodnim vrijednostima

ULOGA POTPISNIKA SPORAZUMA

Član 5

Obje strane će u svrhu realizacije ciljeva definisanih ovim Sporazumom o saradnji na raspolaganje staviti postojeće ljudske, tehničke, infrastrukturne i druge resurse te će uspostaviti redovnu komunikaciju i obavješćavanje o napretku u realizaciji.

Strane u dogovoru će vršiti monitoring zajedničkih aktivnosti u cilju postizanja kvalitete planiranih rezultata te uspostavljanja adekvatnih implementacijskih mehanizama.

UKLJUČIVANJE OSTALIH INTERESNIH SKUPINA

Član 6

Strane se slažu da će u aktivnostima koje su predmet ovog Sporazuma prema potrebi i strateškim principima uključiti ostale interesne grupe i usaglasiti aktivnosti sa potrebama istih.

FINANSIJE

Član 7

Finansijski i organizacijsko-upravni odnosi između Prirodno-matematičkog fakulteta i Javnog komunalnog poduzeća „Šćona“ d.o.o. Fojnica bit će regulirani posebnim ugovorom, vodeći računa o jednakosti i o specifičnim interesima saradničkih ustanova.

Član 8

Svaka potpisnica Sporazuma će obezbijediti vlastite izvore finansiranja za realizaciju konkretnih oblika saradnje. Ovaj sporazum uključuje i mogućnost finansiranja iz alternativnih izvora, obezbijeđenih aktivnošću od strane jednog ili oba potpisnika.

U slučajevima posebno dogovorenih oblika saradnje sa definiranom konstrukcijom finansiranja, potpisnice ovog sporazuma će sačiniti odgovarajući ugovor, koji će obavezno sadržavati sljedeće elemente:

- vrijednost ugovora, načini i izvori finansiranja,
- odgovorni nosioci realizacije ugovora i njihova ovlaštenja,
- tim istraživača i drugih saradnika i studenata koji će učestvovati u realizaciji projekta,
- specifikacija i iznos troškova koje snosi svaka potpisnica ugovora,
- etička i materijalna prava koja proizilaze iz postignutih rezultata,
- način objavljivanja i publiciranja rezultata realizacije ugovorenog projekta.

Član 9

Ovaj sporazum se zaključuje na **neodređeno** vrijeme.

Ovaj Sporazum je sačinjen u **četiri (4)** istovjetna primjerka i svaka ugovorna strana dobiva po dva (2) primjerka. Sporazum stupa na snagu danom potpisivanja obje strane.

Član 10

Sporazum se može izmjeniti na osnovu pisanog zahtjeva jedne od strana, a uz saglasnost druge **u roku od 30 dana** od dana podnošenja zahtjeva.

Eventualni sporovi rješavat će se dogovorom saradničkih institucija.



JKP „Šćona“
Abaz Nišić, Direktor



Sarajevo: 21-06-2024

Fojnica: 21.06/24

Broj: 01/01-1430/1-2024

Broj: 361/24